

**PEMBERITAHUAN PERTANYAAN DEWAN RAKYAT**

**PERTANYAAN : BERTULIS**

**DARIPADA : YB DATO' SRI MUSTAPA BIN MOHAMED  
(JELI)**

**SOALAN NO. 319**

Minta **MENTERI SUMBER MANUSIA** menyatakan bilangan lepasan sekolah dan institut pengajian tinggi yang memasuki pasaran kerja pada tahun 2018 dan bilangan peluang pekerjaan baharu yang diwujudkan pada tahun yang sama mengikut sektor.

**JAWAPAN**

Tuan Yang di-Pertua,

1. Kementerian Sumber Manusia (KSM) tiada data khusus bilangan lepasan sekolah dan institut pengajian tinggi yang memasuki pasaran kerja dan KSM juga tidak bertindak secara langsung dalam mewujudkan peluang pekerjaan baharu.
2. KSM tidak mengira latar belakang komited untuk rakyat negara ini mendapat pekerjaan yang bersesuaian dengan kelayakan, kemahuan dan kemampuan mereka. KSM melalui Jabatan Tenaga Kerja (JTK) telah melaksanakan pelbagai program untuk membantu para pencari kerja bagi mendapatkan pekerjaan. Antara program yang telah dilaksanakan ialah:
  - i. Penganjuran Karnival Pekerjaan di peringkat kebangsaan, negeri dan daerah di seluruh negara yang diadakan sepanjang tahun;

## SOALAN NO: 319

- ii. Kerjasama Universiti Awam (UA) dan Institusi Latihan Kemahiran Awam (ILKA) menganjurkan Karnival Pekerjaan tersebut di seluruh negara bagi memudahkan para pencari kerja termasuklah bakal graduan, lepasan graduan, belia dan golongan khas untuk dipadankan dengan kekosongan jawatan yang ditawarkan;
  - iii. KSM juga telah berkerjasama dengan Kementerian Kewangan melalui agensi yang terlibat turut menganjurkan Program *Job Fair @ UTC*; dan
  - iv. Program Penyesuaian Kerjaya (2PK) di mana beberapa modul yang relevan kepada bakal para pencari kerja telah diperkenalkan seperti ujian personaliti, tips menghadiri temuduga, penulisan resume, pengurusan kewangan dan pembangunan kerjaya.
3. Penempatan pencari kerja keseluruhan dari 1 Januari 2018 hingga 31 Disember 2018, seramai 168,677 orang pencari kerja yang terdiri daripada 47,073 orang siswazah dan 121,604 orang bukan siswazah.